

06 November. 2025

समे .18:15 Hrs

<><><><><><>

Headlines

- प्रधानमंत्री नरेंद्र मोदी कल राश्ट्री गीत 'वंदे मातरम'दे 150 ब'रे पूरे होने दे उपलक्ष्य च इक ब'रे तगर चलने आहले समारोहें दा उद्घाटन करडन।
- सरकार नै परम्परागत कलाएं गी परतियै जींदा करने आस्तै मुखमन्त्री हुं'दी हैरीटेज कोसर्स सरबंधी स्कीमें दी शुरूआत कीती।
- लेफ्टिनेंट गवर्नर मनोज सिन्हा होरें श्री माता वैश्वो देवी जी दी पवित्र गुा च मत्था टेकेआ ते पूजा-अर्चना कीती।
- कपड़ा मंत्रालय नै गलीचे बुनने आहलें लेई अज्जै-कल्लै आहली सूलतें कन्नै लैस 100 खड्डियां मंजूर कीतियां। एह बुनकरें दी सूलत गी ध्याना च रखदे होई तैयार कीतियां गेदियां न।
- जनजातीय मामलें दे मंत्री जावेद अहमद राणा होरें अज्ज बक्ख-बक्ख प्रतिनिधिमंडलें कन्नै बैठकां लाइयां।

<><><><><><>

PM-Vande Matram

प्रधानमंत्री नरेंद्र मोदी कल नमीं दिल्ली च राश्ट्री गीत 'वंदे मातरम' दे 150 ब'रे पूरे होने दे उपलक्ष्य च आयोजित इक ब'रे दे समारोहें दा उद्घाटन करडन। संस्कृति मंत्रालय राश्ट्री गीत दे 150 ब'रे पूरे होने दे उपलक्ष्य च उद्घाटन समारोह आयोजन करग। एह कार्यक्रम कल्लै थमां अगले ब'रे 7 नवंबर तगर चलने आहले इक ब'रे दे राश्ट्रव्यापी स्मृति समारोहें दा औपचारिक शुरूआत होग। इस ब'रे दे समारोहें च भारत दे आजादी आंदोलन गी प्रेरित करने आहली इस कालातीत रचना दे 150 ब'रे पूरे होने दा जश्र मनाया जाहग। उद्घाटन समारोह दी खास विशेषताएं च 'वंदे मातरम' दे 150 ब'रे दे इतिहास उप्पर इक curated प्रदर्शनी दा आयोजन शामिल होग। इक लघु फिल्म दा प्रदर्शन ते इक स्मारक डाक टिकट ते स्मारक सिक्का बी जारी कीता जाहग।

<><><><><><>

CM-Heritage

सरकार नै हुनर विकास मैहकमें दे तैहत हैरीटेज कोसर्स दी शुरूआत आस्तै मुखमन्त्री स्कीमें गी मंजूरी देई दिती ऐ जेह्डी इस क्षेत्र दी समृद्ध संस्कृतिक विरासत गी बचाने ते हुनर सरबंधी आजीविका गी बढ़ावा देने आस्तै इक महत्वै आहली गैंऽ ऐ। आकाशवाणी जम्मू दे संवाददाता दी रिपोर्ट मुजब मुखमन्त्री दफतरै आखेआ ऐ जे इस योजना तैहत बक्ख-बक्ख सरकारी आई.टी.आई-एं ते पालीटेक्रिकें च 25 सिखलाई केंद्रें च 7 परम्परागत क्राफ्ट कोर्सों गी लाया जाग जिंदे च 500 विद्यार्थियों दा हिस्सा लैने दी क्षमता हाग। इस पैहलकदमी दा मकसद जम्मू-कश्मीर दे परम्परागत कलाएं दी नां छड़ी सांभ-सम्लाल करना ऐ सगुआं युवाएं गी रोजगरा दे टिकाउ मौके

उपलब्ध करोआना यकीनी बनाया जाग। इस योजना दे हिस्से दे तौरा पर सखेत्रुएं गी हर म्हीने वजीफा दित्ता जाग जिसलै के प्रशिक्षकें गी मानदेय बी दित्ता जाग जेह्दे कन्नै भागीदारी ते गुणवत्ता आहली सिखलाई दौनें गी प्रोत्साहित कीता जाग।

<><><><><><>

CM-Used Water

मुख्यमंत्री उमर अब्दुल्ला होरें गांदरबल च इस्तेमाल कीते गेदे पानी सरबंधी प्रबंधन आस्तै 19 करोड़ 99 लक्ख रुपे दी इक योजना गी मंजूरी दित्ती ऐ। एह्दे तैहत गंदे पानी गी परतिए इस्तेमाल करने लायक बनाया जाग। एह्दे कन्नै इस्तेमाल कीते गेदे पानी गी बेहतर ढंगै सिर ते परतिए उपयोग करने लायक बनाया जाह्ग। एह्दे कन्नै स्हाड़े दरेआ वगैरा बी साफ रौह्ङन ते लोकें दी सेहत ते साफ-सफाई यकीनी बनोग। इस बारै जानकारी मुख्यमंत्री हुं'दे दफ्तर आसेआ सोशल मीडिया पोस्ट राएं दित्ती गेई।

<><><><><><>

LG-Vaishno Devi

लेफ्टिनेंट गवर्नर मनोज सिन्हा होरें अज्ज श्री माता वैश्वो देवी जी दी पवित्र गुफा च मत्था टेकेआ ते सभनें दी भलाई-बेहतरी आस्तै शीरवाद मंगेआ। उ'नें पूरे जम्मू-कश्मीर च शांति, भाईचारा ते रमानदारी बने दे रौह्ने आस्तै बी पूजा-अर्चना कीती। एल.जी हुं'दी एहू यात्रा सभनें दी भलाई ते तरक्की आस्तै गैह्री आध्यात्मिक प्रतिबद्धता गी दर्शादी ऐ।

<><><><><><>

JKEDI

उद्यमियता विकास सरबंधी जम्मू-कश्मीर दे इदारे जे.के.ई.डी.आई आसेआ टी-हब हैदराबाद दे सहयोग कन्नै साम्बा ते पुलवामा जिले च J.K Start up idea challenge boot camps-2025 दा सरिस्ता कीता जा'रदा ऐ। एह्दे च चुने गेदे मेदवारें गी सद्देआ जा'रदा ऐ। 2 रोजा मेंटरशिप प्रोग्राम जे.ई.डी.डी.आई मेन कैंपस पाम्पोर च 7 ते 8 नवंबर गी होग ते 10 ते 11 नवंबर गी जे.के.ई.डी.आई बाड़ी ब्राह्मणा साम्बा च होग। एह्दा मकसद माहिरें आसेआ मिश्वरा ते परामर्श उपलब्ध करोआना ऐ। इस जत्त तैहत नमिएं काह्दें, उद्यमिता ते स्टार्ट अप ग्रोथ गी बढ़ावा देना ऐ।

<><><><><><>

Ramban-Horti. Deptt.

मैहकमा बागवाणी रामबन जिले च अपनिएं योजनाएं गी असरदार ढंगै सिर लागू करने लेई मता कम्म करा करदा ऐ। स्कीमें दा लाहू मते-मते बागवानें ते करसानें तगर पुज्जे ते ओहू इन्दे शा लाहू हासल करियै अपनी औंदन ते जीवन स्तरै गी उबड़ा चुक्की सकन, एह्दे लेई मैहकमा मकामी प्रशासन ते करसान समुदाय कन्नै नेड़मा तालमेल बनाइयै कम्म करा करदा ऐ। सरकार दिएं स्कीमें तैहत मैहकमा पदरे इलाकें च 25 प्रतिशत ते विशेष इलाकें ते किश खास समुदायें जिंदे च महिलां, एस.सी.एस.टी ते एफ.पी.ओ वगैरा शामिल न, उनेंगी 33 प्रतिशत कोला बी

मती रियायत सब्सिडी उपलब्ध करा करदा ऐ। किश स्कीमें, जिंदे च खाने7पीने आहले उत्पादे गी डब्बा बंद करने दा कम्म शामिल ऐ, दे तैहत 10 लक्ख पर 35 प्रतिशत दी सब्सिडी उपलब्ध कराई जा'रदी ऐ। आकाशवाणी समाचार कन्नै गल्ल करदे होई रामबन दे एरिया मार्केटिंग अफसर तहसीन इकबाल चिब होरें आखेआबाईट.....

<><><><><><>

ते हुन बाकि दिएं खबरें कन्नै शगुफ्ता चौधरी।

Looms

केंद्री कपड़ा मंत्रालय नै कालीन बुनने आहलें लेई 100 नमें सिरेआ तैयार कीती गेदी आधुनिक स्टील करघा बंडने दे मगरा हून केंद्री उन्न विकास बोर्ड दी उन्न बनाने आहली स्कीम यानि Wool processing Scheme तैहत 100 होर उन्न कत्तने आहली मशीनें दी खरीद ते बंड लेई 50 लक्ख रुपें दी मंजूरी देई दिती ऐ। 51 जहार दी लागत आहली हर इक मशीन गी खासतौरा पर भारती कालीन प्रौद्योगिक संस्था श्रीनगर आसेआ डिजाइन कीता गेदा ऐ जेहड़ी बुनकरें लेई बैक रेस्ट ते आरामदय बैठने दा इंतजाम उपलब्ध करोआंदा ऐ।

<><><><><><>

Rana-Delegation

जनजातीय मामलें दे मंत्री जावेद अहमद राणा होरें अज्ज बक्ख-बक्ख प्रतिनिधिमंडलें कन्नै मती सारी बैठकां लाइयां जिंदे च प्रतिनिधिमंडलें उ'नेंगी अपनी चैंताएं बारै जानकारी दिती ते चैंताएं दे समाधानें सरबंधी ज्ञापन प्रस्तुत कीते। गल्लबात दरान मंत्री होरें उमर अब्दुल्ला सरकार दी बचनबद्धता गी फही पक्का कीता जे ओहू पूरे जम्मू-कश्मीर च लोकें दी शकैतें दा नबेड़ा फौरी तौरा पर करग ते विकास ते कल्याणकारी पैहलकदमियें गी मजबूत करना यकीनी बनाग। गुज्जर ते बकरवाल पोस्ट ग्रैजुएट बॉयज होस्टल दे इक प्रतिनिधिमंडल नै मंत्री हुं'दे नै मलाटी कीती ते विद्यार्थियें लेई हुनर विकास, एक्सपोजर टॉवर ते डिजिटल सिखलाई दे मौके उपलब्ध करोआने सरबंधी मंगां उं'दे अगगे पेश कीतियां।

<><><><><><>

Poonch-Security Review

पुंछ दे डिप्टी कमिशनर अशोक शर्मा होर पुंछ दे एस.एस.पी हुंदे कन्नै सब डिविजन सुरनकोट दा व्यापक दौरा लाया ते सुरक्षा इंतजामें सने इलाके च चला'रदे विकास कम्में दा जायजा लैता। अपने दौरे दरान अफसरें परनई पावर प्रोजेक्ट दा सुरक्षा आंकलन कीता। उनें मजदूरें दे कैंप दा बी निरीक्षण कीता। मगरा डी.सी ते एसएसपी होरें द्राबा, मचाकी ते मस्तान धारा च जारी विकास कम्में दा जायजा लैता। उनें कम्में दी म्यार ते गुणवत्ता दा बी निरीक्षण कीता।

<><><><><><>

Frest-Snowfall

उत्तरी कश्मीर दे मशहूर सैलानी थाह गुलमर्ग होई दी ताजा बर्फबारी करी सैलानिएं दे चेहरे खिड़ी उठे दे ना। अपनी खूबसूरती लेई जाने जाने आहले गुलमर्ग पर हुन बर्फू दी चिट्ठी चादर बिछी गेदी ऐ ते मुल्खे दे बक्ख-बक्ख हिस्सें थमां उत्थे पुज्जे दे सैलानी इस बर्फबारी दा पूरा-पूरा नंद ठोआ करदे ना। मुकामी लोकें दा आखना ऐ ताजा बर्फबारी कन्नै होर मते सैलानी गुलमर्ग लेई आकर्शित होडन। महाराष्ट्र थमां आई दी इक महिला सैलानी ने इस बारै अपने बचार सांझे करदे होई आखेआ

<><><><><><>

BSF-Marathan

सीमा सुरक्षा बल-बीएसएफ जम्मू दा फ्रंटियर मुख्यालय, जम्मू बी.एस.एफ मैराथ-2025 दी तैयारियें दे हिस्से दे तौरा पर दो रोजा मैराथन एक्सपो आयोजन करा'रदा ऐ। एहू एक्सपो 7 ते 8 नवंबर यानि कल ते परसो दपैह्नी 12 बजे शा संझा 5 ब'जे तगर शहीद वीर देव स्टेडियम, बीएसएफ पलौड़ा जम्मू च होग। एक्सपो दरान पंजीकृत रनर्स कल अपने bib नंबर ते अधिकारिक टी-शर्टां हासल करडन ते उत्थें औने आहले लोक लाइव बैंड दे प्रदर्शन दा नंद लेई सकदे न जेह्दे कन्नै बीएसएफ ते जम्मू दे लोकें दे उत्साह ते उर्जा गी दर्शाया गेदा ऐ। जम्मू बीएसएफ मैराथन 2025, 9 नवंबर गी होग।

<><><><><><>

Hockey-World Cup

मर्दे दे एफ.आई.एच. हॉकी जूनियर विश्व कप 2025 दी ट्राफी गी भारत दे बक्ख-बक्ख हिस्सें च लेते जाने दा रोमांच, बरोबर जारी ऐ ते हुन औंदी 11 नवम्बर गी एहू ट्रॉफी, जम्मू-कश्मीर आवा करदी ऐ। इस ट्राफी गी मुख दे बक्ख-बक्ख हिस्सें च लेने दी शुरुआत जंदी 7 नवम्बर गी नमीं दिल्ली थमां होई ही ते एह्दी एहू जात्तरा 26 नवम्बर 2025 गी थिरुवनन्थपुरम पुज्जियै संपन्न होई जाह्ग। इस जात्तरा दा मकसद, आलमी सतह दी इस प्रतियोगिता गी लेइयै मुख भरै दे बसनीकें अंदर आकर्षण ते जोश पैदा करना ऐ। मर्दे दे एफ.आई.एच. हॉकी जूनियर विश्व कप 2025 दे 14में संस्करण दा आयोजन तमिलनाडु दे मदुरै ते चेन्नैई च मेयर राधाकृष्णन हॉकी स्टेडियम च औंदी 28 नवम्बर थमां लेइयै 10 दिसम्बर 2025 तगर कीता जाह्ग। नेहा पैहली बारी होआ करदा ऐ जे इस प्रतियोगिता च ऐगती 24 टीमां, खिताब लेई आपूं-चै मुकाबले खेड्डुडन।

<><><><><><>